



SPLIKASHON FORMULARIO DI DEKLARASHON IMPUESTO OPBRENGSTBELASTING (opbrengst=rekohida)

Ta entrega e splikashon di e deklarashon di impuesto Opbrengstbelasting solamente un biá, tambe por hañ'é riba e wèpsait di Belastingdienst, www.belastingdienst-cn.nl. Asina ku tin kambionan den e splikashon aki, lo bo risibi un vershon nobo y lo adapta e wèpsait tambe.

Opbrengstbelasting ta un impuesto ku ta mará na período di tempu. Esaki ta nifika ku esun ku tin e obligashon di retene esaki ta retene e impuesto pa e deposita esaki periódikamente na Belastingdienst.

E período korespondiente na e deklarashon di Opbrengstbelasting ta igual ku un kwartal di kalènder.

Bo ta hasi deklarashon di impuesto Opbrengstbelasting solamente si den e kwartal korespondiente a pone un suma na disposishon di esun ku tin derecho. Pues si no a pone un suma na disposishon, no ta nesesario hasi deklarashon tampoko.

Huntu ku hasimentu di deklarashon di impuesto, mester deposita e debido impuesto tambe. Bo por paga kèsh na ofisina di impuesto, pero por paga via banko tambe. Bo por haña e numbernan di kuenta di banko pa hasi esaki riba e formulario di deklarashon di impuesto. Paga bon tinu ora bo ta paga via banko pa usa e mesun kódigo ku esun riba e deklarashon di impuesto. Kon bo por determina e kódigo di pago bo por lesa esaki bou di 'kwartal/aña'.

Na e lugarnan den e formulario di deklarashon kaminda bo mester yena sumanan, bo ta yena solamente dòlar kompletu.

Bo por hasi esaki semper na bo benefisio. (1,51 ta bira 1,00)

Splikashon pa kada rúbrika

Datonan di registro sivil/ datonan di direkshon

Riba e formularion di deklarashon tin datonan di nòmber, direkshon y siudat di domicilio imprenta manera esakinan ta konosí na Belastingdienst. Si e datonan aki ta inkorekto, òf bo kier pa manda korespondensha di bo na atenshon di bo consehero di impuesto, bo por indika esaki patras di e formulario di deklarashon.

Number CRIB

E number CRIB ta un number úniko bou di kual bo ta konosí serka Belastingdienst.

Kwartal/Aña impuestario

Esaki ta e kwartal i e aña riba kual bo ta hasiendo deklarashon di impuesto. E período riba kual bo mester hasi deklarashon di impuesto Opbrengstbelasting ta igual ku un kwartal kalendarario.

Kódigo di pago

Pa motibu ku no ta kada kwartal bo ta hasi deklarashon di impuesto, abo mes tin di kompone un kódigo di pago. Un parti ta fiho, esey ta e number CRIB y e number 103. Despues abo mes ta yena e siguiente 8 sifranan ku ta representa **e último dia di e período di deklarashon di impuesto: ddllaaaa. Si bo ta hasiendo deklarashon riba mart 2011, e or'ey e kódigo ta bira (number CRIB).103.31032011.** (akinan e number CRIB ta imprentá di antemano.

Bo mester indika e kwartal riba kual bo ta hasiendo deklarashon ku un krus dilanti di djé.

Benefisio ("Opbrengst")

Na e rúbrika aki bo ta indika e balor di loke bo a pone na disposishon di esun ku a risibi e benefisio.

Sorto di benefisio

Bo por pone benefisio na disposishon di plaka, pero tambe den forma natural. Un di e forman di ponementu na disposishon den forma natural ta e forma di entrega di akshon. Indika ku un krus den kual forma bo a pone e benefisio na disposishon.

Benefisio liber di impuesto

Por ta posibel ku e benefisio ku bo a pone na disposishon ta liber di impuesto Opbrengstbelasting. Esaki ta e kaso ora ku:

- Ta un órgano establese riba un isla BES ku tin un partisipashon den e órgano ku ta pone e benefisio na disposishon ta esun ku ta risibi e benefisio.
- E benefisio ta prosedente di un fundashon òf di un kapital ku meta determiná, anto ku ta pon'é na disposishon di institushonnan y metanan eklesiástiko, kontemplativo, karitativo, kultural òf sientífiko ku ta establese òf organisá den Reino, serka kualnan salimentu na vanguardia di interes general òf kousa sosial ta pará na promé lugar.
- E ganashi ta prosedente di un fundashon òf kapital ku meta determiná, efektuá den kuadro di un areglo di pinshon konforme artíkulo 6A di Wet Loonbelasting BES.

Total

Na e rúbrika 'Total' bo mester indika si e benefisio ta keda poné na disposishon komo nètò òf bruto.

Normalmente ta pone e e benefisio na disposishon den forma nètò. Esaki ta nifika ku bo ta manda e suma despues di hasi retenshon di e impuesto Opbrengstbelasting. Supone ku ta pone un dividendo di \$ 1,000.00 na disposishon, abo ta retene y deposita e impuesto Opbrengstbelasting di \$ 50.00. E \$ 950.00 ku ta resta bo ta paga na e akshonista.

Sinembargo por ta asina tambe ku bo ta pone e benefisio na disposishon den forma bruto. Den e kaso ey abo ta tuma e impuesto Opbrengstbelasting ku mester paga pa bo kuenta. Pagamentu di e impuesto ku lo mester a kai pa kuenta di esun ku mester a paga impuesto (esaki ta esun ku a risibi e benefisio), tambe ta un benefisio pa esun ku ta probecha. Ta pesey mester paga impuesto riba e benefisio ey. Esaki ta yama 'brutifikashon'. Den e kaso aki e tasa di impuesto ta 5% di 100/95 di e ganashi.

Por ehempel 5% di 100/95 di \$ 1,000.00 = \$ 52.00

Firma

Aki bo ta yena bo nòmber anto firma e deklarashon di impuesto. En prinsipio esaki ta sosode dor di mando di e órgano.

Den e kuadro Belastingdienst bo no tin nodi di yena nada. Si bo ta desea di risibi un afirmashon di ku a risibi bo deklarashon di impuesto, perkura e or'éy pa bo tin un kopia di bo deklarashon na man. Bo por laga pone stèmpel riba djé, anto pone fecha di entrega di deklarashon riba djé.

Otro obligashonnan

Banda di entrega di deklarashon di impuesto Opbrengstbelasting tin dos obligashon mas.

Dunamentu di nota di resibu

Na momentu ku bo pone un benefisio na disposishon di personanan ku ta bini na remarke pa esey, por ehempel akshonistanan den un kompania asosiá, bo ta obligá di duna un nota di resibu.

Den e anekso bo ta haña, apesar di algun formulario di deklarashon di impuesto, tambe algun nota di resibu ku bo por usa ora bo ta pone ganashi na disposishon.

Si bo no tin nota di resibu mas, bo por baha esakinan for di e wèpsait anteriormente menshoná.

Entrega di relatonan anual

Bo tin obligashon di entrega relatonan anual dentro di 9 luna despues di fin di e aña administrativo na inspektor. Relatonan anual ta ensera balans, kuenta di pèrdida y ganashi, y un splikashon. E relatonan anual mester ta konforme stipulashonnan manera indiká den artíkulo 15, Buki 2 di Burgerlijk Wetboek BES o sea areglonan eksterior di tal índole.

Konsiderando ku e aña administrativo ta kuri pareu ku e aña kalendario, bo mester entrega e kuenta anual aki promé ku 1 sèptèmber. Bo por pidi dispensashon pa entregá relato anual mas despues. Kon mester hasi esey, bo por lesa den e invitashon pa entregá bo relato anual ku lo bo risibi na tempu.